



宛陵先生文集目錄卷第六

池州後詩下

裕禮頌聖德詩

獎諭

裕享觀禮二十韻

寶元聖德詩

送胡臣秀才

送張秀才之淮南

還文雅師書秩

和徐元興

送田賢良江寧倅

送邵夢得

送蕭監丞

南隣蕭寺丞夜訪

讀司馬季主傳

臘日雪

和王秘校見寄

送張尉乞侍養

和子聰見寄

送何山人歸蜀

寄衡山長老

渚橋送張秘校

南陽謝公祈雨

西禪院竹

新霽望破笠山

贈師厚生日

晝寢

過白水

泛舟偶呈永叔

送永叔歸乾德

代寄永叔四十韻

漸嘉樓望雨

和謝舍人游震

和謝舍人新秋

中秋新霽

陪謝紫微晚泛

陪覽秀亭地壻

傷馬

一曲

汝州後詩

和謝副閤寄新酒

送殿丞宰巫山

朔風寄永叔

襄城對雪

雪夜留梁推官飲

謝紫微挽詞三首

永叔南陽至

贈琴僧知白

宋教授還郎

宛陵先生文集目錄卷第六

宛陵先生文集卷第六

禘禮頌聖德詩

溥哉孝享將事于寧文武御上冠劔在庭爰俟帝
齊風霰其零風霰不已鈞陳豹尾龍祈太常立列
比比帝居路寢百辟就次至于穀旦漫漫翳翳帝
入靈宮左撞黃鐘陞階貫玉日氣曠鴻鴻鴻杲杲
氛駭陰掃宿于太宮月星皓皓侍祠之臣鵠舉鷺
振或捧其匱或進其巾輔相夾道俯僂鱗鱗圭瓚
以陳登歌以均東向虛位發爵親親平明帝深紫
宸序班皇帝之顏穆穆閑閑簷步之廊廊雪浮陽光

大極爛爛朱陛煌煌稱祝萬壽萬壽無疆却登寶
輿以御端門揭雞肆赦雷動乾坤于時都人于時
嬾女于時蠻夷異口同語天子萬年仁聖之主臣
時執冊與物咸覩敢播于詩庶聞九土

焚諭

勅梅堯臣省所進裕享詩事具悉爾學優而粹行
懿而淳以詩自名為衆所服矧乃詠歌祖宗之功
德述禮樂之聲容宜被朱絃以薦清廟載披來獻
深用歎嘉故茲焚諭想宜知悉

於刻

裕享觀禮二十韻

卜惟陽月吉孝享禮方脩齋幄嚴宮殿群臣奉冕
旒北風先集霰夜雪竟侵博羽仗天街立龍笏象
魏流翌朝升寶輅夾道列華輶琳宇躬將款珠塵
密未收撞鐘鈞奏合真玉日光浮捧用叨於左觀
儀得以周帝來清廟下月欲大刀頭既禿還初次
更衣戴遠游黃麾轉槐路朱輦駕雲虬武士羅金
甲中人着錦褱千官入稱慶萬國與同休却出紫
宸閣俄登宣德樓雞星傳異令鶴馭作天郵肆放
通皇澤深仁被九州巍巍百世業坦坦四夷柔惠
及高年吏息差五等侯力田仍給復有道俾傍求

何以歌堯美茲同擊壤謳

寶元聖德詩

齊誠羽衛陳庚戌推真英靈宮容物備清廟威儀
攝運明導玉輿出宿戒清堞冥濛雲霧低泱泱乾
坤接時靈凝九霄金茄竟三疊來賓萬國會受職
百神協中夜即壇壝濃陰駁鱗鬣及爾圭幣升煥
然星斗曄華鍾帝樂張法從天衢躡端門清旭上
肆宥歡嚴決寶圖增大號元曆開皇劫占用獨何
人詠歌揚聖業

送胡臣秀才

汴水日東淺歸船不可留天高雲就嶺地冷鴈迴
洲江館魚堪食家林橘已收平生素業在莫見里
人羞

送張秀才之淮南

聊為楚客唱一送淮南行出汴遠心喜移舟孤岫
橫危帆將進浦寒雲不分城故乘舊居處向來秋
草生

還文雅師書

編絕不加新于今十二春綠窓重展目靜几勿生
塵豈憂吾廬日終將道者親莫嫌同刺字漫漶

看難真

依韻和徐元與讀寄內詩感成

鴛鴦同白首相得在中河水客莫驚天雲間比翼多

送賢良田太丞通判江寧

世為燕趙客慷慨有奇才對策漢庭後拜官江國
來舟從瓜步去潮自蔣山回心寄城頭月相隨上
古臺

送邵夢得永康軍判官

杜鵑洛中明年春赴任

言離洛陽日正值春風前伊水鱗白鷺蜀山鳴杜

鵲輕袍游宦去匹馬度關年若過君平肆窮通可

問焉

送蕭監丞濟寧臨邑

羨君先拜邑殘臘見登車遠驛寒雲重長郊積雪
餘行當勸民稼始信帶經鋤還到濟南日應傳古
尚書

南隣蕭寺丞夜訪別

憶昨偶相親相親如舊友雖言我巷殊正住君家
後壁裏射燈光籬根分井口來邀食有魚蟹過貧
無酒明日定徂征聊茲酌升斗宵長莫惜醉路遠

空廻首

讀司馬季主傳贈何山人

長安新雨後九陌少行人同輿有宋賈游市懷隱
淪日聞古賢括必與醫卜隣來過季主室再拜語
逡巡矍然悟辭貌何為居埃塵捧腹乃大笑吾道
非爾臻驥慙罷驢駟鳳豈燕雀親筮占聊助上功
利儻及民大夫與博士登車若喪神今我見何遜
始驗太史真順性誨善惡不離義與仁言孝諭為
子言忠諭為臣又得蜀嚴比寧將日者均京都盛
龜笑坐肆如魚鱗噤口不正言唯能辨冬春鴻冥

復所慕安得鷄登則

臘日雪

風毛隨枝臘浩浩古原沙寒入弓聲健陰飛兔徑
踪馬頭迷王勒鷹背落梅花少壯心空在悠悠感
歲華

依韻和雍丘尉王秘校見寄

東瞻杞國城平日鳥飛程度鷹不曾下新文誰寄
評舊年因使至秀句欲人驚聊効題齋壁先賢亦
以旌

送新安張尉乞侍養歸淮甸

天兵出塞日西尉去官初却衣老萊服曾無梅福
書春郊欲迴鴈寒水正沈魚任意歸舟駛風煙亦
自如

依韻和子聰見寄

嘗念饒行舟風蟬動去愁獨登孤岸立不見遠帆
收及送故人盡亦嗟歸迹留洛陽君更憶寧復醉
危樓

送何遜山人歸蜀

春風入樹綠童稚望我扉遠壑杜鵑響前山蜀客
歸到家逢社燕下馬津征衣終日自臨水應知已

息機

寄衡山福嚴長老

衡山幾千里聞在湘川側雲霞不可到峯壑無由
識方丈開其間青松隱寒色飛鴻尚莫過況寄雙
鳧翼

曲渚橋送張秘校赴慶州幕

野客伐山桂橫為曲渚橋勢危寧過馬徑狹欲通
樵小艇何妨繫離竟正此銷想君迴首屢虹影在
林林

南陽謝公祈雨

雲龍本職雨不雨其失職萬草欲焚如千疇幾枯
色刺史為民憂侵晨車竟飭竭來款宮祠豈不念
未稷霽霽隨輪軒霽霽徧吟域孰謂雲龍愚能成
仁惠德濯濯群物新葱葱衆苗殖莫比邵父渠初
懸用人力

西禪院竹

古寺帶脩岡青葱萬竿玉春梢長舊林夏雨濕新
綠幽禽嘯呼雜晚照陰晴續解帶欲忘歸壺觴歡
自足

新霽望安笠山

謝紫微坐中賦

北望直百里峩峩千仞青斷虹迎日盡飛雨帶龍
腥陰凝烟雲畜陽崖草木靈登臨終不厭時許到
茲亭

師厚生日因以詩贈

龍驥產龍駒良金出良冶良冶無頑礦駒龍豈凡
馬致遠在御徒作礪由工者君子生慶門詩書未
嘗捨進道期日隆無愧金馬下

晝寢

嘗聞晉高士時偃北窗風及爾寂無慮始知機盡
空便便朝已解栩栩夢何窮一寤復一寐百年消

此中

過白水

下馬獨懷古脩然臨渡風負人去來久流水自無窮
窮雨濶沙痕漲灣平野色通曾興漢家業今與百川同

泛舟城隅呈永叔

藤竹繞城陰煙梢拂濠水山禽時一鳴楚客孤舟裏
孤舟穿綠荷獵獵雨新過誰思暮江上只尺採蓮歌

送永叔歸乾德

淵明節本高曾不為吏屈斗酒後故人藍輿傲華
絃悠然目遠空曠爾遺群物飲罷即言掃曾中寧
贊壽

代書寄歐陽永叔四十韻

始謫夷陵日當居建德年一書寬逐客四詠繼稱賢
賢自謂臨江傲相逢莫我先白醪封畫楫素鯉養
泓泉戒吏收山栗呼童惜沼蓮只期東浦過共醉
小溪邊日日占風勢時時到水堦安知貪桂席不
肯暫迴舫自爾皆無定歸歟亦未然指程幾一月
泝險歷三千魚鳥都難問音塵杳莫傳因之走羸

僕試與訪南遷比及過牛峽還聞迎壁田報言雖
不獲吉語喜多全我解歸堯闕君移近漢淵問途
曾未遠命駕亦何緣衰野今行矣隆中有待焉知
亭人接吟風化蟻同羶即欲朋簪盍翻爲俗事牽
愛嬰嬌啞啞嗜寢復便便雞黍煩爲具輪轅豈得
前寄聲勤以謝辛子恕而憐來貺誠爲望論情恐
未指嘗親馬南郡果謁謝臨川遂得窺顏色重忻
論簡編聊咨別後著大出篋中篇問傳輕何學言
詩詆鄭箋飄流信窮厄探討愈精專道舊終忘倦
評文欲廢眠寧知主人貴但見左魚懸所至同風

月相歡憶澗渾清歌嗟在耳素髮怪侵顛翠蝶時
登眺芳洲屢泝泝公難醒撥醅醪殊馱落頭鮮坐竹
聽啼鳥臨流聒嘒蟬孤亭起歸夢南陌去揚鞭出
錢陪雙旆方斲歷廣鄺始生山吏敬頗釋利途連
會面辭何吐離膺事已填空餘郡樓望野色際平
煙

漸嘉樓望雨陪謝守

冒雨上城頭淒淒欲報秋雲低密藏樹風急暗侵
樓漸積荷珠重新添沼鑑幽憑欄未能去公自念
民疇

和謝舍人游震

盛夏萬物當長養驕陽不雨誰為憂天無纖雲野
頽色草木焦卷如經秋南陽太守自引咎不以天
時為怨尤齋精潔慮祠望內僚屬奔從無停輶護
取詩言占離畢徒依風俗驗鳴鳩忽聞郡北直百
里岑岑岷岷藏靈湫犧牲遣吏詣其下俎豆未徹
升陰虬電光劃劃逸崑壁雷聲隱隱生山陬擁雲
馳雨自東上西風斗猛雲還收神龍蓄志未發泄
明日更與頑陽儻黠霽陰黑若卷海聯綿霹靂能
破仇沃然原隰洗妖氣浩爾溝瀆揚平流九穀有

登百姓喜蜿蜒歆祀神何羞

和謝舍人新秋

西風一夕狂古屋吹可恐微變蜻蛉吟斗摧蚊蚋
勇朝驚露墜梧遠愛雲飛隴還憶舊溪遊水清漁
箔壅

中秋新霽壕水初滿自城東偶泛舟廻謝

公命賦時余將赴襄城

齋舫談經後官池載酒行斜陽鳥外落新月樹端
生演漾思江浦夷猶繞郡城東轅有遺恨日日勤
華清

陪謝紫微晚泛

積雨漲秋壕輕舟此共遊
菴蒲斂鉉鏐蓮花熟
露韜岸靜魚跳月林喧鳥避篙
歸時興不淺風物三蕭騷

奉陪覽秀亭地壻

聊為飛礫戲愈切愈紛如自是
取勢濶非關用意踈
候驚花鳥起亂破錦苔初重
指拾將禿多慙賈勇餘

傷馬

此馬季父為樞直日恩賜以遺余

吾貧只一馬昨日忽云喪庭樹
齧齒無膚秋郊誰獲

放空傷駭骨埋固之弊惟葬
況本出天閤因之重

悵悵

為隱子思題丞幸平山

琴山雜詩日曲花爛而下離南陽作

妾家鄧侯國肯愧邯鄲妹世本富
繒綺嬌愛比明珠十五學組紉未嘗開戶樞
十六失所適姓名傾里問十七善歌舞使君邀宴娛
自茲著樂府不得同羅敷涼濕忽在苒屢接朝大夫
相歡不及情何異逢路衢昨日一見郎目色曾不渝
結愛從此篤暫隔猶恐踈如何遂從宦去涉千里途
即跨青驄馬妾乘白雪駒送郎即未速別妾妾仍孤
不如水

中鱗雙雙依綠蒲不如雲間鵠兩兩下平湖魚鳥
尚有託妾今誰與俱去去約春華終朝怨日賒一
心思杏子便擬見梅花梅花幾時吐頻搗攔竿數
東風若見郎重為歌金縷醉大夫醉燭不火前
望門汝州後詩

依韻和謝副閣寄新酒

聞道芳洲景氣新却輸鷗鷺日相親小槽酒熟玻
瓈色誰憶高臺共賦人

送劉子思殿丞宰巫山

千里向巴東青山不可窮峽猿初入聽蠻語未全

通暮雪思梁國朝雲識楚宮史人迎拜處嘶馬入

丹楓

朔風寄永叔

朔風嗥枯枝遠鴈不能起日色寒無光原野澹平
里所思在南國遐路闊音旨潛鱗亦安託冰結長
河水我我既未泮獵獵終不已悠然傷我心歷亂
非可擬

襄城對雪二首

風急夜窓鳴暗知庭下積曉慢忻以捲虛堂睡成
癖飄飄初縈林凌亂欲侵席擁扉人莫掃何似袁

家宅

登城望密雪浩浩川野昏誰思五原下甲色千里
屯凍禽立枯枝飢獸齧陳根念彼無衣褐愧此貂
裘温

雪夜留梁推官飲

畫雪落旋消夜雪寒易積燈清古屋深爐凍殘煙
碧爲沽一斗酒暫對千里客酒薄意不淺輕今須
重昔重昔是年華飄飄猶過隙一醉冒風歸平明
馬無跡

南陽謝紫微挽詞三首

忽報南郊信半夜雪中來遂哭寢門外始嗟梁木
摧文章千古盛風韻故人哀憶昨臨湍水寧知隔
夜臺

平昔聞嚴助承明散直廬請章來未久捐館遽何
如無復淮南諭曾成太史書蒼蒼不可問揮涕望
輜車

自古豈無死賢哉獨可悲家貧留旅櫬門慶有諸
兒里社嘗存祀邦人定立碑還同羊叔子罷市見
遺思

未叔自南陽至余郊迓馬首訪謝公奄然

相與流涕作是詩以寫懷

郭門臨汝水鏡色入高衢鞍馬過其上塵襟蕩已
無及郊逢故友出涕各霑濡神物喪頭角空存尾
嬰軀清水失匠斲誰施藍與朱益戀不能語斯文
其已夫歸來授子館自爲炊彫胡且勿駭茲會日
月易以徂

贈琴僧知白

上人南方來手抱伏羲器頽然造我門不顧門下
吏上堂弄金徽深得太古意清風蕭蕭生脩竹搖
晚翠聲妙非可傳彈罷不復記明日告以行徒興

江海思

教授宋著作作還

何以擬君子雲鴻肅羽儀將過上林苑先集孝王
池嘒藻有餘樂漸磐方得時野塘歸莫晚白水遠
連陂

宛陵先生文集卷第六

宛陵先生文集目錄卷第七

汝州後詩

夏日晚霽

聞尹師魯赴涇模

王殿丞求釣竿

宋著作寄鳳茶

大水後城中作

新霽登周王城

秋日屬疾

苦雨

永叔寄澄心堂紙

夏日陪彭學士登城

詠蜘蛛

觀水

和李君讀余注孫子

答李晉卿結交篇

田家

聞永叔復館寄賀

九月一日

弔李膺辭

送李都監赴武當

重送

田家語周王題

檢覆葉縣魯山田

卧羊山題中并

汶墳貧女命題

昆陽城晉風茶

老牛陂

雙鳧觀本論平

葉公廟

悲已卯歲謝紫薇

觀投兔遺聖士題

燈花

魯山山行山堂賦

游元紫芝翠堂

至香山寺報秀叔

寒草

送崔秀才

思遠寄師厚

送師厚歸南陽

疲馬

和永叔冬夕聯句

古塚

仲春同師直雪中

和師直雪中馬上

和師直早春

和師直晚步

暮春過洪氏小園

雷祕校入闕擬官

登許昌城

孫主簿惠墨跡

寄永興夏太尉

桓妬妻

目錄終

宛陵先生文集卷第七

夏日晚霽與崔子登周襄故城

雨脚收不盡斜陽半古城獨携函客步閑閱老農
耕實氣無人發陰蟲入夜鳴余非避喧者坐愛遠
風清

永叔寄澄心堂紙二幅

昨朝人自東郡來古紙兩軸絨滕開滑如春冰密
如蠶把玩驚喜心徘徊蜀牋脆蠹不禁久刻楮薄
慢還可咍書言寄去當寶惜慎勿亂與人翦裁江
南李氏有國日百金不許市一枚澄心堂中唯此

物靜几鋪寫無塵埃當時國破何所有帑藏空竭
生莓苔但存圖書及此紙輦大都府非珍瓌于今
已踰六十載弃置大屋墻角堆幅狹不堪作詔命
聊備龕使供鸞臺鸞臺天官或好事持歸祕惜何
嫌猜君今轉遺重增愧無君筆札無君才心煩收
拾之匱積日畏捲裂防嬰孩不忍揮毫徒有思依
依還起子山哀

聞尹師魯赴涇州幙

胡騎犯邊來漢兵皆死戰昨聞衛將軍賢俊多所
薦知君慮不淺永對未央殿天子喜有言輅車因

召見籌畫當冕旒袍魚賜銀齒曰臣豈身謀而邀
陛下睞青衫出二嶠白馬如飛電關山冒風露兒
女泣霜霰軍容壯士多劔藝匹夫術賈誼非倍儒
慎無輕寡變

夏日陪提刑彭學士登周襄王故城

聊隨漢使者一上周王城片雨北郊晦殘陽西嶺
明野禽呼自別香草問無名誰復忝離詠但興
箕穎情

王殿丞赴莫州日就余求釣竿數莖以柱
今因其使回戲贈

去日覓釣竿定能垂釣否若不暇釣魚釣竿當去取

詠蜘蛛

日結一尺網知吐幾尺絲百蟲為爾食九腹常苦

飢

宋著作寄鳳茶

春雷未出地南土物尚凍呼譟助發生萌穎強抽
英團為蒼玉璧隱起雙飛鳳獨應近臣頒豈得常
寮共顧茲實賤貧何以叨贈貢石碾破微綠山泉
貯寒洞味餘喉舌甘色薄牛馬漣陸氏經不經周

公夢不夢雲脚信所珍烏甯誇仍衆常常濫盃甌
草草盈罌瓦甯知有奇品圭角百金中秘惜誰可
邀虛齋對禽哢

蘇東坡觀水

并序

庚辰秋七月汝水暴至溢岸親率縣徒以土塞郭

門居者知其勢危皆結庵于木末徬徨愁嘆故作
是詩

秋水漫長堤郊原上下迷孤城閉板築高樹見巢
棲耳馱蛙聲極漚生雨點齊渚間牛不辨誰為掃
陰霓

大水後城中壞廬舍千餘作詩自咎

不如無道國而水冒城郭豈敢問天災但慙為政
惡湍迴萬瓦裂槎向千林閣獨此懷百憂思歸即
雲整

門孫昔依韻和李君讀余注孫子於對處更知
我世本儒術所談聖人篇聖篇關乎道信謂天地
根衆賢發蘊與授業稱專門傳箋與注解璨璨今
猶存始欲沿其學陳跡不可言唯餘兵家說自昔
罕所論因暇聊發篋故讀尚可溫將為文者備豈
必握武貢終資仁義師焉愧道德藩揮毫試析理
已厭前輩繁信有一日長可厭千載鬼未涉勿言
淺尋流方見源廟謀盛夔高正議滅烏孫吾徒誠
合進尚念有親尊

新霽登周王城

行行古城頭歷覽古城下水鳥傍人煙河流隔桑
柘秋山豁晴翠野老親時稼民訟今已稀閑登賦
官舍

依韻答李晉卿結交篇

上交執正道下交守奇節當為蘭死香勿作竹枯
裂試看溫玉堅何似春冰折貴賤事乃見古今情

不別平生相與親，晏歲誰可決君能。持此意足以
表風烈。

秋日屬疾

體羸易生疾，况乃凌秋陰。微寒薄膚腠，飲藥增衣
衾。一日失所治，百骸將不任。當從華氏學，聊欲為
戲禽。

田家

高樹蔭柴扉，青苔照落暉。荷鋤山月上，尋徑野煙
微。老叟扶童望，羸牛帶犢歸。燈前飯何有，白薤露
中肥。

苦雨

秋空幾旬雨，四海低鵬翮。晝不見日，精夜不見月。
鬼洒盡天，漢流蒸爛女媧石。塗潦將埋輪，牛馬困
負軛。羣蟲無土蟄，百果就枝坼。安能誅陰虬，坐使
天地闕。

聞永叔復館因以寄賀

東方有銀禽，已喜羽翰插。重來金馬門，莫忘黃牛
峽。黃牛無冬春，速水生鱗甲。今非昔日憂，賀酒特
新壓。

九月一日

去歲南陽與謝
公別今謝已沒

授衣念徂節闔棺傷故人故人昔送我把酒瀕水濱只道後期易豈知無會因死生意不及欲語鼻先辛既之美門術安得如松筠寒暑更數十應亦同埃塵

弔李膺辭

陰蜺橫天長劍欲抉匣頽未露兮精鋼已折層冰塞川猛炬方烈髮氣未銷兮高焰已滅雖忠毅之有志兮當衰運之閉結嗟身禍之不免兮甘就死於縲紲何賢者之景慕兮或自表而謝絕惟荀公之獲御兮見顏間之氣悅奚服媚之若茲兮蓋操

秉平峻節風裁獨高而罕接兮號龍門而無凡轍允簡亢不容於時兮玉雖碎而猶潔痛漢綱之頽圯兮又何毀乎賢哲歷千古而可悲兮故余不得而面結叨此邦而長民兮過舊隴而增咽嗟異代之有遇兮若登履李閭闈對風樹之蕭蕭兮想冤氣之未竭聊感槩於斯兮寫憂心之悒悒

送李康伯赴武當都監

城下漢江流滄波照鬢秋山川包楚塞風物似荊州試聽清砧發何如畫角愁遙知絕戎事水味有槎頭

重送

得朋如得寶何恨相知晚舊友貴來疎嗟君行復
遠秋城隔寒水驛路入蒼嶽古情深不深所祝加
餐飯

田家語

庚辰詔書凡民三丁籍一立校與長號弓箭手用
備不虞主司欲以多媚上急責郡吏郡吏畏不敢
辨遂以屬縣令互搜民口雖老幼不得免上下愁
怨天雨淫淫豈助 聖上撫育之意耶因錄田家
之言次為文以俟採詩者云

誰道田家樂春稅秋未足里胥扣我門日夕苦煎
促盛夏流潦多白水高於屋水既害我菽蝗又食
我粟前月詔書來生齒復板錄三丁籍一壯惡使
操弓韜州符今又嚴老吏持鞭扑搜索稚與艾唯
存跛無目田間敢怨嗟父子各悲哭南畝焉可事
買箭賣牛犢愁氣變久雨鎬缶空無粥盲跛不能
耕死亡在遲速我聞誠所慙徒爾叨君祿却詠歸
去來刈薪向深谷

檢覆葉縣魯山田李晉卿餞於首山寺留別
我本山水鄉看山常不足自從到官來塵事便拘

東嘗聞此山寺法宇深雲木無由一來過夢想向
巖谷案田趨隙壇跨馬涉平陸良久送我行偶與
賞心屬禪庭鳴白雞祖席軟黃鶻野氣逼人寒嵐
光添酒綠言離非遠離但愛交情篤重游應有期
君亦行車促意原變久雨說舌空無語首地不涼
齊城卧羊山城次觀父子各悲哭前山雲
亂石若羣羊緣崗卧斜日曾非左慈化更想初平
叱無羶穴蟻去有乳寒泉出誰憶灞陵原纍纍家
傍質長流為之白小高林豈木相言心跡數人介

汝墳貧女

時再照弓手老幼俱集大雨甚寒道死者百餘人自灤河至昆陽走牛陂僮戶相繼

汝墳貧家女行哭音悽愴自言有老父孤獨無丁
壯郡吏來何暴縣官不敢抗督遣勿稽留龍鍾去
携杖勤勤囑四隣幸願相依傍適聞閭里歸問訊
疑猶強果然寒雨中僵死壤河上弱質無以託橫
尸無以葬生女不如男雖存何所當拊膺呼蒼天
生死將奈向具良實寄
山下哭昆陽城城在縣西
試看昆陽下白骨猶驚鐵莫頽隍水頭更添新鬼
哭

吳中老牛陂

吳牛行歎老漢焉焉得肥筋力不可恃遊子當念
歸

雙鳧觀

山下溪流照城郭幽庭栢子風自落古壇蒼苔藓少
人行不見雙鳧見黃雀

葉公廟

兵物還見驚從來人所悼今看古壁畫應合當時
好

已卯歲

慶精舍題名壁間而去庚辰歲余求稼田

因訪舊跡盡然于懷故作此謠以志其悲

昔與南陽太守行車騎休時訪庭栢今來重看壁
間題太守已為泉下客獨流清血是門人悵悵便
令生死隔

觀菽兔

莽莽蒿萊下紛紛狡兔迷枯株坐守者若箇是忘
歸

燈花

灼灼生寒燼終朝照席明從教占有驗燃滅本無
情

魯山山行

適與野情愜，千山高復低。
好峯隨處改，幽徑獨行迷。
霜落熊升樹，林空鹿飲溪。
人家在何許，雲外一聲雞。

游元紫芝琴堂

訪古歷荒城，城孤落日鳴。
人琴兩不見，破月高臺傾。

至香山寺報秀叔

家近心還速，川長馬易疲。
望山孤寺出，渡水夕陽遲。
來向林間宿，歸須月上時。
只應庭際鵲，已報汝

先知

寒草

寒草纔變枯，陳根已含綠。
始知天地仁，誰道風霜酷。

送崔秀才

晨風無定巢，遠寄鷦鷯枝。
天寒鼓翼健，粒食寧所窺。
大澤多羣羽，翱翔各有時。
今子振衣去，焉能久連羈。

少年遊太學，着盡篋中衣。
獨劔自為伴，無家何處歸。
秋蓬隨野轉，寒鵲遶林飛。
霄漢有知己，行行寧

久微

思遠寄師厚

馬蹄踐霜雪不畏道路寒
游子重衣裘慈母懸心
肝懸心幾千里冉冉歲已殘
大河今漸涸遠目常
不乾度鴈朝夕聞尺書寄亦難
願同車輪復勿比
弦上九

送師厚歸南陽會天大風遂宿高陽山寺

明日同至姜店

往日送子春風前春風酣酣杏正妍
今來送歸秋風後秋風撼撼沙滿川
馬鬣斜傾毛瑟縮馭吏禁

嗟足後先弊裘吹裂寒入骨枯株磨礪火歆燃忽
逢古寺出崑腹與君下馬相留連毀堂高下就山
勢松栢森聳侵雲巔長廊落葉卷若掃丈室垂幔
翻如褰像塑神母乳九子抱携撫玩皆可憐却令
遠客自生念欲見幼稚心煩煎擁爐對坐日昏黑
龕燈共借僧榻眠雖然覆衣冷如鐵不及在家貧
無龜曲肱難寐要天曉兩股凍痺仍筋孿根根殘
夜木魚響起看昂畢傾西躔怒號斗息東方白童
僕庸整吾將還走僧掃壁持筆硯請予強此題歲
年出門並轡至山店茅屋揭盡餘尺椽又據胡床

一談笑君不解飲聊開筵程次都無五百里篋中
可乏一囊錢拂衣頻起畏日曷應恐慈母心懸懸
顧我復當江海去却思此地何由緣

疲馬

疲馬不畏鞭暮途知幾千當須量馬力始得君馬

全

倦韻和永叔子履冬夕小齋聯句見寄

邊知後相過對語冷無火陰辭聞尖竒凍地抽笋
簪吟成豈寄誰談極唯思我學術窮後先文字少
許可敢將蠶測海有似脂出輟必餓嘗見憂此病

各又果弊駕當還都重門不須鎖到時春怡怡萬

柳枝娜娜定應人拊贈只恐絮已墮行橐且不負

明珠藏百顆

永叔嘗見嘲謂自古詩人率多寒餓類因
屈原行吟於澤畔蘇武啗雪於海上杜甫李

嚴於天陽李白窮兩於宣城孟郊履全栖道路以子之才
必類數子今二君又自為此態而反有飯顆之請何耶

古塚

南陽道中作此共下汝州
罷官再至鄧州常希澤

南陽古原上荒塚若魚鱗
劍佩不為土衣冠應化
塵枯骸荒魑魅細草沒麒麟
何必問名氏漢家多
近親

仲春同師直至隴山雪中宿穰亭

吳子乘羸馬夜投山家宿
風雪滿絳裘燈火深竹

屋烹雞頰主人吠犬僧倦僕明發到巖前春寒凍
雲木

依韻和師直仲春雪中馬上

自倚春風暖輕袍犯雪來過塘迷綠水拂樹雜芳
梅山蔽峯難辨樵通徑易開野行方有味緩轡不
須催

和師直早春雪後五壠道中作

來尋谷口春正值陰雲結日暮冰霰繁宿亭孤飯
設侵晨登壠去始見羣峯列草凍未抽心松枯猶
抱節川傍認飛鷲林上墜殘雪何意待芳菲遲留

未堪折

依韻和師直晚步徧覽五壠川

窮覽川原勝經行未厭頻樵深但聞斧谷暖自留
春臨水何妨坐看雲忽滯人誰家煙塢裏竹樹逐
相鄰

暮春過洪氏汝曲小園

三月花已休閒來羨叢薄河田地勢偏雨入灘聲
惡綠草旋抽心青梅猶帶萼主人歸未歸誰省會
遊樂

雷秘校入闕擬官時將登舟過輦下

與君先後發同走向京華美躍青驪去將乘烏榜
賒着鞭辭宿雨渡水踏春沙聞道求為縣應當學
種花

登許昌城望西湖

試望許西偏湖光浸曉煙岸痕添宿雨草色際平
田夏木陰猶薄朱荷出未圓人閑綠波靜幽鷺捕
頭眠

孫主簿惠上黨寺壁胡霈然書墨迹一匣
上黨佛祠何可觀開元瑞物圖高閣又有長廊古
壁上復是名輩題丹雘當時泥用絲作筋意欲干

載無剝落書奇畫妙了不識訛傳墨土能治疔瘡
寺僧不惜人摘取筆畫遂缺如鳥啄後來好事恐
磨滅寶刀裁剝泥如剝取之龜置綠板匣便寶箱
楮同美璞拂拭還看體勢生盤屈蒼虬舞鸞鳥控
昔不畏屋壁壞今也常恐兒童撲夫君知我心所
重南歸贈以致誠慙此時雖喜落吾手老大腕硬
無由學但當拜賦不敢忘莫為報言曾未數

寄永興招討夏太尉代人

寶元元年西夏叛天子命將臨戎行二年孟春果
來寇高奴城下皆衣羗五原偏師急赴敵晝夜不

息趨戰場馬煩人怠當勁虜雖持利器安得強二
師覆敗乃自取豈是廊廟謀不滅朝廷又選益經
略三幟賢俊務所長或取李悝備邊策或效五道
出朔方仲夏科民扶弓矢季冬括驢賫道糧官軍
未進復犯塞塞旗殺將何倡狂遂令士卒愈沮氣
欲使乘障膽不張我願助畫跡且遠側身西望空
淒涼庶幾一言可裨益臨風欲寄鳥翼翔所宜畜
銳保城壁轉饋先在通行商守而勿違彼自困境
上未免小效攘譬如蚊虻嗜膚體實於肌血無大
傷此言雖小可喻遠幸公采用不我忘誠知公慮

若裴度聖上聽用同憲皇當時豈不歷歲月猶且
衆鎮未陸梁況今鷹犬乏雄勇便擬馳騁徒蒼惶
且緩頰時勵犀卒終期拉朽功莫當

桓妬妻

昔聞桓司馬娶妾貌甚都其妻南郡主悍妬誰與
俱持刀擁羣婢逕往將必屠妾時在憲前解髮臨
鏡梳鬢髮雲垂地瑩姿冰照壺妾初見主來縮鬢
下庭隅斂手語出處國破家已殂無心來至此豈
願奉君娛今日苟見殺雖死生不殊主乃擲刃前
抱持一長吁曰我見猶憐何況是老奴盛怒反為

喜哀終非始圖嫉忌尚服美傷哉今亦無

...

...

...

...

...

...

...

...

先慶先生文集目錄卷第八

汝州後詩

夏日晚登許昌湖

故原戰

西湖閑望

感二鳥

舟次寄故人

弔石曼卿

汴水斗城寄彦國

望仙亭

許昌晚晴

故原戰卒死復蘇

寄謝師直

古相思

送曇穎往廬山

醉中留別永叔子履

陪遊女郎臺寺

陪遊莊生臺

淮上雜詩六首

赴雲任君有詩

宋諫議遺白鵝

金山寺

瓜洲對雪

金山二僧携茗至

淮南遇梵才上人

送標陽朱宰

和長吉上人相遇

歲日旅泊

寄題梵才安隱堂

農難

舟中值雨

題刁經臣山居

和謝裴君見過

甘露寺

和刁經臣有感

春日舟中對雪

和達觀禪師見寄

和刁太博新墅十題

發陶莊

發丹陽後寄徐元與

湖州後詩

胡武平遺牡丹

題滕學士書堂

送劉成伯還都

送舍弟赴都

訪報本簡長老

谷祝秘校見寄

目錄終

宛陵先生文集卷第八

夏日晚晴登許昌西湖

新晴萬柳齊鶯度水東西城上明殘照雲層挂斷
霓煙蒲勻若翦沙岸淨無泥菓堅繁枝重人乘小
駟低嵐光開翡翠湖色浸玻璃只欠朱藤密如過
卷盡煞

許昌晚晴陪從過西湖因詠謝希深蘋風
詩愴然有懷

疎雲漏斜照殘雨葉間明飛蓋城頭去澄湖水正
平荷盛鮫客淚蔓濯野人纓公獨思康樂臨流誦

句清

故原戰

落日探兵至黃塵鈔騎多邀勳輕赴敵轉戰背長
河大將中流矢殘兵空負戈散亡歸不得掩抑泣
山阿

故原有戰卒死而復蘇來說當時事

縱橫尸暴積萬殞少全生飲雨沽胡地脫身歸漢
城野糴穿廢竈妖鵬嘯空營侵骨劍瘡在無人為
不驚

西湖閑望

夏景已多趣湖邊日更佳園蕪雜紅紫岸柳自欹
斜雨氣收林表城陰接水涯愛閑輸白鳥盡日立
汀沙

寄謝師直

憶同仲春月冒雨過穰亭聊酌山酒別獨吟夜燈
青明朝上嶺路群岫張雲屏忽入川谷秀固非平
生經綠竹間紅萼紫藤垂千局春塘水泱泱野老
髮星星田父相與至里言尚可聽始聞丹砂岑遂
識五龍形傍瞻禹湯迹競信廟貌靈邀我陟巉巉
宿霧方冥冥晴露衣裘濕時襲草木馨棟宇敞絕

頂牲酒列幽亭竹杯占禍福巫錦醉一寧日晏別
雲外月出至近炯僕夫疲不進鞭策無暫停我馬
忽顛墜君心同鵲鴿再駕體無傷扣關燭已焚自
茲期莫逆未契心所銘忽忽捺行袂汎汎如木萍
今來各一方安得同醉醒

感二鳥

雄雌雙好鳥託棲空樹中有蛇出傍穴噴毒氣如
虹半夜此驚飛瞥去隨西東有喙不能達啼雲復
嘯風迴翔隔歲月老木高童童眼生衆禽噪雖近
未由通昨朝煙雨晦並翳六向幽叢鷹鷂尚橫集

風意無窮

古相思

勞竹兩分張情知無合理織作雙絃單依然淡花
紫淡花雖復合疑岫幾千里欲識齊娥悲無窮似
湘水

舟次朱家曲寄許下故人

藹藹桑柘岸喧喧鷄犬村晚雲連雨黑秋水帶沙
渾稍聽隣船語初分異土言雖嗟遠朋友日喜近
田園

送曇穎上人往廬山

潯陽幾千里無不見爐峰蒼翠入衆目崑壑少行
蹤高僧忽獨往杳杳懷遠公嘗聞虎溪上醉令或
來同而今競邀致幾里聞松風塵心古難洗瀑布
垂秋虹

弔石曼卿

前時京師來對馬嘗相揖埃塵正滿襜笑語曾未
及雖然恨莫親往往聞風什星斗交垂光昭昭不
可挹獨哦秋露中豈顧衣裘濕酒盃輕宇宙天馬
難駕繫今朝我還都但見交朋泣借問泣者誰曼
卿竟已整堂堂豪傑安遂爾一棺哉君生寒月明

君沒寒月八月入還復升精鬼靈未集孤墳細草
遍翠碣嗟新立

醉中留別永叔子履

新霜未落汴水淺輕舸唯恐東下遲逃城假得老
病馬一步一跛令人疲到君官舍欲取別君惜我
去頻增喜便步髯奴呼子履又令開席羅酒卮送
巡陳子果亦至共坐小室聊伸眉烹雞庖兔下筋
美盤實釘鮓栗與梨蕭蕭細雨作寒色馱馱盡醉
安可辭門前有客莫許報我方劇飲冠幘歆文章
或論到淵奧輕重曾不遺毫釐間以辨譴每絕倒

豈顧明日無晨炊六街禁夜猶未去童僕竊訝吾
情癡談兵究弊又何益萬口不謂儒者知酒酣耳
熱試發泄二子尚乃驚我為露才揚已古來惡春
舌噤口南方馳江湖秋老鱣鱸熟歸奉甘旨誠其
宜但願音塵寄鳥翼慎勿却効兒女悲

汴水斗減舟不能進因寄彥國舍人

朝落幾寸水暮長幾寸沙深灘鰲背出淺浪龍鱗
斜秋風忽又惡越舫嗟初閣坐想掖垣人猶如在
寒廊

陪淮南轉運魏兵部遊潁州女郎臺寺

舊傳媯氏女將適楚人時築館自臨水故臺空此
基因為楚宮媵來與使車期樓上望湖上煙林晚
蔽虧

望仙亭 并序

壽春望仙亭廣平宋公所作也宛陵梅堯臣之官
吳興道出其下公命賦之

公來有餘樂所樂為郡間訟稀聊自適靜勝以舒
顏清軒開曉幔歷歷見淮山山色洗新雨佳氣如
可攀代異雞犬去時平草木閑試望天衢近飛駕
應此還

陪淮南轉運魏兵部遊濠上莊生臺

周當戰國時何爲守靜正干戈既日尋仁義固不
競天下皆跖徒寧知聖爲聖是將萬物齊不顧千
金聘所以忘形骸所以保性命安能小仲尼豈不
識世病我從魏公來訪古停烏榜聊識賢者心吁
嗟一長詠

淮上雜詩六首

宿雲未全斂微雨入船疎問伴失前後暝行隨疾
徐相親沙上鴈自樂水中魚亭半日光透遠分林
際居

暗開淮水平遠見孤城出出舟問舟子遽對那能
悉始聞莊生臺還想觀魚日果得真隱心魚鳥情
非密

輕舟晚投處聒聒渚禽嘶椽子隨薪束蔬科帶土
携岸幽雲滿石潮落蚌生泥客思無慘極唯將魯
酒迷

野鴈不知數翳然川上鳴曾無設羅意空自見舩
鷺渺渺拍波去紛紛孤喚盈苦寒非塞外霜落夜

淮清

漠漠晝煙披縱橫見漁艇輕橈上急水或與飛鴻

並魚大釣絲微牽隨碧潭迥向晚得志歸浩謔山
月靜
舟閣下灘遲蒼黃暮灘上偏愁逆水風更駕崩沙
浪落日看已昏漁燈遠相向夜闌天轉寒坐待潮
流漲

赴零任君有詩相送仍懷舊賞因次其韻
湖山饒邃處曾省牧之遊鴈落葑田闊船過菱渚
秋野煙昏古寺波影動危樓到日尋題墨猶應舊
壁留

過揚州叅政宋諫議遺白鷓

曾遊鳳池上曾食鳳池萍乞與江湖去將期養素
翎不同王逸少辛苦寫黃庭

金山寺 并序

昔嘗聞謝朓微言金山之勝峯壑攢水上秀拔殊
衆山環以臺殿高下隨勢向使善工摸畫不能盡
其美初恨未遊赴官吳興舫次瓜洲值海汐冬落
孤港未通獨行江際始見故所聞金山者與謝公
之說無異也因借小舟以往乃陟迴閣上上方歷
絕頂以問山阿危亭曲軒窮極山水之趣一草一
木雖未芻蕘而或青或潤皆森植可愛東小峰謂

之鷓山有海鷓雄雌棲其上每歲生雛羽翮既成
與之縱飛迷而後返有年矣惡禽猛鷲不敢來茲
以搏魚鳥其亦不取近山之物以爲食可義也夫
薄暮返舟寺僧乞詩強爲之句以應其請偶然而
來不得髣髴敢與前賢名迹耶

吳客獨來後楚橈歸夕曛山形無地接寺界與波
分巢鷓寧窺物馴鷗自作群老僧忘歲月石上看

江雲

瓜洲對雪欲再遊金山寺家人以風波相止
臘月海風急雪吹巖下窻輕舟不畏浪昨日過寒

江渡口復夕興區中無與雙忽牽兒女戀空聽遠
鐘撞

金山芷芝二僧携茗見訪

一遊江山上日日吟不足雙錫忽來過衣霜帶初
旭况能持茗具向此烹新綠中瀼水若飴北焙花
如粟還將塵慮滌自愧冠纓東何以報勤勤馳奴
扣雲谷

淮南遇梵才吉上人因悼謝南陽疇昔之遊
久已馱宦旅故茲歸江南始時遠辭邑不及事春
蠶殘臘猶在道險阻固所諳扁舟次淮海喜遇釋

子談契闊十五年尚謂卧嵩庵偶見如夙期淹留
良亦甘歎遊獨泫然懷悲情豈堪班班雲中鳥共
看投夕嵐曷不念舊隱山水唯素耽我從湖上去
微爵輕子男

送標陽宰朱表臣

塞上備胡羗關中調兵食秦民尚苦輸漢吏勤求
職君今喜懷詔馳騎寧暇息其邑嘗雨金於時豈
能得行當經灞上故事猶可憶前代多戰爭鬼火
弄陰黑蒼蒼路傍草憔悴希春色縣涂誠有政威
惠為令德

次韻和長吉上人淮甸相遇

淮上一相遇憶在京都時雖驚歲月換未改松桂
姿童侍兩三人銜錫相與隨自言東越來篋中多
好詩文字皆妥貼業術無傾歎前輩嘗有言清氣
散人脾語妙見情性說之聊解頤始推村山學得
非素所師此固有深趣吾心久已知橫琴乃玄悟
豈必弄鳴絲古樂衆少聽誰知彼吹篳師曠沒世
後伯牙衆身悲願同黃鵠舉遠歸滄海涯老驥雖
不病長坂安可馳天台況奇勝日夕勞夢思尚乘
齒纓綬終年趨路歧俯愧淵中魚游泳水之涓仰

羨雲間鷲凌厲辭繁維居甯起斯念未去情不怡
今朝更道舊感愴各頰眉同遊謝公門遠想扶霄
凌惜哉胡不仁碎彼東方琪又出數紙書手澤尚
可披眷眷疇昔意於今當語誰復遺三百言玩味
自挽髭序事盡成故慨吟良有資其詞何疊疊宛
若對風規冷然聳心目不覺整冠綾重以超俗韻
顧予賤職司是猶徠鳥情並此鷲檉早報投仍勉
強實謬匠者爲應哂不量力短兵茲已疲

歲日旅泊家人相與爲壽

舟中逢獻歲風雨送餘寒推年增漸老求懷殊鮮
歎江邊無車馬鑑裏對衣冠
人相慶拜共坐列
盃盤盤中多橘柚未咀齒已酸
飲酒復先醉頗覺
量不寬岸梅欲破萼野水微生瀾
來者即爲新過
者故爲殘何言昨日趣乃作去年觀
時節未變易
人世良可歎

寄題梵才大士台州安隱堂

巢禽託靜林潛魚戀深壑豈不能自安
翔泳得所
樂達士遠紛華於茲守冲漠
堂前鳴松風堂後馥
花萼好鳥時一呼
澄明望家廓詩興猶不忘
禪心
詎云著所以得自然寧必萬緣縛
未能與之游懷

慕徒有作

農難

種莠非所殖嘉禾共一田老農實惡之豈共時稼
捐管蔡與盜跖同氣詎能遷周公不妨聖柳惠不
妨賢賢哉彼薄矣取舍得其然

舟中值雨裴刀二君相與見過

江上滄淒淒天形接野低岸痕生舊水馬跡踏春
泥風急侵衣重山昏卷幔迷誰驚二客論不愧巨
源妻

題刁經臣山居時已應辟西懷

向不樂郡府遂云歸田園結廬復種藝草樹日已
繁散快理舊學了然無俗喧春雨一迴過覽耕登
古原青山每自愛霽色當衡門故人苟來往名宦
未嘗言趣適已不淺道心良亦存忽聞辟書至便
令驅犢棘豈期同瓠瓜長繫蒿萊根始知古君子
出處惟義敦

前者裴君雨中見過因以詩謝復承來章

輒依韻奉和

主人門下客寂寞在江涘我昨謝銅章解組猶脫
屣前日至朱方正值春雨起君時冒雨來曾不避

泥滓林枝滴衣襟沙岸平履齒相歡了無間偶論
通遠旨去逢交親問為報心如水

甘露寺

曾非遠城郭寂爾隔囂氛尚有南朝樹能留北固
雲川濤觀海若霜磬入江濱衛國丹青在孤堂綠
桂薰

依韻和刁經臣讀李衛公平泉山居詩碑
有感

當時植珍木豈是昧前規廢宅長春草故山存舊
碑也嗟良璧毀安識古松姿叔子每懷慕此心空

自知

春日舟中對雪寄刁經臣

誰道江南暖新春見雪飛鷗來親客艇花亂上人
衣古郡地偏寂野窓寒入微戴家仍不遠欲去未
能歸

依韻和達觀禪師春日雪中見寄

密霰來新歲春陽氣漸微侵庭草芽凍紛雜鴈行
飛江寺誰開暹湖山我欲歸雨花無六出休怪着
人衣

和刁太傅新墅十題

靜舍

野木扶疎重復重塘蒲涵水綠茸茸琴書无古得
為樂休問前山有戴顓

西齋

靜節歸來自結廬稚川閑去亦多書請君架上添
芸草莫遣中間有蠹魚

北軒

冬日迎暄此未宜苦吟那對朔風時祇誇砌下留
殘雪不看簷間斗柄垂

叢杉

植榦森然羨在庭更憐相倚自青青翠姿且有干
雲勢豈是孤生向遠坰

松阜

勾引風聲已可聽高陰仍更接崗形知君久欲平
心氣早晚根傍長茯苓

小舫

閑撐莫厭遲比於剡艇劣相宜漕河有處通
波水深入荷花人不知

移竹

遠愛檀欒碧透開荷鋤乘雨破秋苔直須探作阮

家趣更向煙林缺處栽

花塢

雜芳春發淺深叢曲塢逶迤紫間紅色賤格微應
不數少添蘭菊待秋風

綿檜

翠色凌寒豈易衰柔條堪結更歲蕤松身柏葉能
相似勁技緣何不自持

新井

淺淺清泉自鑑開鱗鱗寒甃未生苔山中亭午野
禽渴不畏人驚欲下來

發陶莊却寄刁經臣裴如晦

方看梅柳春共別川河上移舟人已歸回首竹林
望水渾不照影山遠猶相向聞道欲西游漢家今
尚壯

發丹陽後寄徐元與

別君忽五年相望非一日會合如夢寐欣喜對形
質是時春已仲臨水柳未密載酒相與遊輕舸劣
容膝禪榻竹下過乳井松間出烹茶覺暫醒岸情
情彌逸興闌乘月歸及旦解行綽離懷更宿醒蓬
想都如失

湖州後詩

胡武平遺牡丹一盤

晴昔居洛陽看盡名園花臨水復蔭竹艷色照彤霞
霞良友相與至競飲歡無涯而今猶老翁鬢髮但
未華昨日到湖上碧水涵蒲芽此情頗已愜薄宦
非初嗟况乃蒙見憐帶雨摘春葩雖無向時樂惠
好仍有加

題滕學士九華山書堂

處山方畏淺曾慕結深廬要與雲峯近寧將野客
疎湖苗來入俎林鳥或窺書何事輕茲樂而從出

塞車

公今為

送劉成伯還都

余昔困川途今非羨行者離心寄南風相送過平
野既吹蓮葉舟更逐桂條馬中州多故人懷抱幸
君寫

送舍弟正臣赴都

吳兒能刺舟其駛劇飛鳥行行固莫留望進前山
小家貧吾不憂身計爾自了何當還里門拜慶期
秋杪

訪報本簡長老

比之茗溪來初逢下山雨雨收精舍出喜與高僧
語門臨水若鑑萬象皆可觀清淨欲誰隣野蓮無
處所

依韻答淮南祝秘校初春見寄

客有袖中書初憑春鶯寄春鶯不時來秋鴻今始
至水落蒲藻寒悠悠江浦意

宛陵先生文集卷第八

宛陵先生文集目錄卷第九

湖州後詩

和胡武平懷京下

和武平望太湖

和武平憶玉晨觀

凝碧堂

送劉著作弋陽宰

冬雷

送成伯遺建菴

冬日送暹上人

和宋待制九題

和說上人見訪

雪中訪烏程李宰

送劉比部

贈月上人彈琴

陪武平遊西余

和武平茗雪二水

和武平昇卞二山

送崔主簿赴青溪

和劉比部留別

送潘供奉承勛

荅新長老詩編

題劉道士奉真亭

和烏程李著作寄

送簽判張秘丞

送弟和州幕

寄題徐都官假山

送吉上人歸天台

次荅公度

留題可及明心堂

陪武平游卞峯亭

送張舍人

劉彛秀才歸江南

送胡武平

迴陳郎中詩集

和武平別後見寄

蘄州廣濟劉主簿

和僧夏日閑居

和李宰秋思

送儲令赴樂昌

隱真亭

送上人遊廬山

和元之述夢

荅恭上人

和守賢晚秋書事

目錄終

宛陵先生文集卷第九

依韻和胡武平懷京下游好

南國易悲愁西風起高樹枯荷復送雨度鴈空知
數欲問北來音繫書復若故冥飛杳無跡弋者徒
有慕況在白蘋洲而懷石渠署石渠多故人鷓鴣
方驚翥鏘鳴尚可希綽翼何由附主人賴知己未
變疇昔顧乘桴豈仲尼好勇非李路幸依南郡帳
不學邯鄲步自守終日愚都忘向時慮瞻戀此江
湖親年當喜懼既獲庭闈近又多山水趣適來對
明月千里猶會晤長橋人絕聲舉酒逢秋露迥聞

孤舟笛煙水在何處俯檻意無涯
跳波魚夜乳頰得真隱情矣
須慕巢許思寄梅枝香遠隔蘭溪
渡緘之付好風精爽亦隨去

依韻和武平九月十五日夜北樓望太湖

東吳臨海若看月上青冥河漢微分練星辰淡布
螢細煙沉遠水重露衰空庭孤坐饒清興惟將
對彤

依韻武平憶玉晨觀

世路多氛垢人間浪迹名是非遠自喻寵辱固堪
下官真何懸丹砂儘可成終尋谷口隱鄭子豈

其卿

凝碧堂

始至荷芰生田田湖上密復當花競時艷色凌朝
日今來蓮已枯碧水墮秋實更待雪中過群峯應
互出樽有綠蟻醅俎有頽壺橘可以持蟹螯逍遙
此居室

送劉成伯著作赴弋陽宰

我昨之官來值君為郡掾當年已知名是日統
識面未久嗟還都始應羣公薦遂除芸省郎出治
江上縣縣劇素所聞其俗到可見水精製盤于
五去冰

瑩產郊甸鳴篳籥斲桐梓雕飾雜寶絢有藥化銅鈿
方士多伏鍊君今齒尚壯好學常不倦二者定非
惑吾言亦狂猶絃歌將有餘幸可窮經傳端來期
著書篋楮盈百卷莫學此踈慵無能守貧賤明朝
君當行勉勉自出錢豈無一壺酒豈無一鼎饌

冬雷

上帝設號今隱其南山下震發固有時曷常事憑
怒春以動含生夏以奮風雨冬其息不用藏在黃
厚土我今來江南歲曆惟建午如何小雪前向曉
疑鳴金蛟虵龜蟲厄鱗裂口塊吐蝦蟇不食月深

窟僵兩股天公豈物欺若此汨時序或言非天公
實乃陰怪主嘗觀古祠畫牛首推連鼓黑雲雜狂
飈相與爲肺腑是不由昊穹安能順寒暑吾因考
厥事復以驗莽鹵市井欺量衡定知不活汝元惡
逆大倫弗加霹靂斧此豈曰無私故予未所取必
恐竊天威似將文法侮焉顧五行錯詎畏萬物觀
欲扣九門陳恨身無鳥羽

劉成伯遺建州小片的乳茶十枚因以爲茶
玉斧裁雲片形如阿井膠春谿闔新色寒籜見重
包價劣黃金敵名將紫笋拋桓公不知味空問楚

人茅

冬日送暹上人

霜風刮地如刀鍊鳥不遠飛魚已潛何況削髮入骨草履不畏冰雪露緣山涉水去幾里晝鉢野飯誰來添毗陵舊寺苦欲到索我贈行無久淹

和壽州宋待制九題

熙熙閣

初日照城樓流暉及茵閣上收花霧紅下見春煙薄信美是殊邦而淹佐時略自慙江外人敢慕淮南作

春暉亭

卉木日已發中園日已嘉歡言樂和景及此看未華春風實無幾凌亂枝上花山陰又暮月俯仰誠可嗟

白蓮堂

蟋蟀在秋堂芙蓉出深水活露同一色澄澈寒鏡裏佳人取施朱欲與天真比沙鳥閑且都誰將擬公子

式宴亭

從事誰獨賢而來均安喜幽禽雜嘯呼珍木竟

高輿將物色俱閑默蕭鼓美寧向不聞聞息時
遊此

秋香亭

高軒盛畫菊可以泛綠罇餘甘自同齊
有木皆剝實何草不陳根獨此青霜
中國

和陽亭

羣生自知機不可欺以異此雞鳴與馴鷗亦魚所
避坐熊咆若水安得同一致然此海客心還應無
有愧

齊雲亭

城隅結危棟髮髯凌煙霓平觀飛雨來俯窺巢禽
棲浩蕩孤思發幕歷蔓蔓齊長安去不遠何言西
北迷

美蔭亭

野材仍翦茅當此茂林下晴暉葉上明翠影盆中
瀉鮮風時颺颺輕裾自蕭洒固殊嵇生鍛曷慕嘉
栖者

望仙亭

嘗聞淮南王雞犬從此去至今山頭石馬跡尚有

與使君辭從官終日絕塵慮望雲漢間想見履
天馭

依韻和僧說上人見訪

客從東國來山雲猶在屨是時正窮臘鴈落溪陰
暮投宿古城隅雪迷松下路衣楮足蘭盃相過寧
猷屢

立春前一日雪中訪烏程宰李君俞尋有

詩見既依韻和答

粉絮先春拂面翔臨風躍馬到君堂縣民將喜
膏起令尹未驚農喜心疾守小吏具山酌便欲烹

醉為詩狂我牽塵俗不得久何意更煩收夜光

送劉比部

青山夜來雨溪水已潺湲侵曉桂旗動傷離蘋渚
前百壺臨祖道兩槩破春煙舊業西河上歸心向
日邊

贈月上人彈琴

人閑溪上橫剝木素琴寒倚一枝玉吳玉城鐘集
深房月下空彈孤鴈曲

冬日陪胡武平遊西余精舍

侵晨霜氣嚴溪口冰已合烏榜將進遲寒篙旋積

卷九
六
拉遙看松竹深雪屋藏山衲登臨興都盡薄暮公

清雪

依韻和武平茗雪二水

昔愛伊與洛今逢茗與雪南郭復西城曉色明於
甲塵纓庶可濯白鳥誰來狎落日潭上歸魚訝自
相答

依韻和武平昇卞二山

北峯壓城蒼南岫緣溪綠誰知昔人遊尚想叢桂
馥鳥獸安可羣呼鳴自爲族儻聞羨門術一躡塵
外躡

送崔主簿赴睦州清溪

舟輕不畏險逆上子陵灘七里峽天翠千重雲木
寒古祠鳴野鳥亂石激春湍正與高懷愜寧歎行
路難

依韻和劉比部留別

春雲已泊蘆濃淡半晴天沙草微抽綠林枝遠帶
煙况茲逢晚景那更送歸舫苦酒聊爲酌無勞辨
聖賢

送潘供奉承勛

與君迹熟情已親欲將行邁聊感人舉酒不能効

時俗半辭苦語資立身長大實好帶刀劍曷不往
助清邊塵門戟雖高豈自有當思乃祖為功臣所
宜勇躍發奇策嘉名定體庶得真儻以斯言作狂
說乘肥食脆任青春

荅新長老詩編

江東釋子多能詩窓前樹下如蟬嘶朝風暮月只
自老建安舊體誰攀躋唯師獨慕陶彭澤奇蹟仍
收王會稽嘗示余此焉趣尚已不淺更在措意
摩雲霓

題劉道士奉真亭

降真沉水生爐煙扣齒曉漱華池泉心存崑閬未
可到夜瞻北斗何聯聯顧茲虛室如有遲一草一
石幽且妍芝蓋雲軒杳無至不知誰更似楊權

依韻和烏程李著作四首

縣署西園

春入西園何苦誇我曾狂醉洛城花如今老大都
無興獨坐晴軒看落霞

雪上二首

共愛雪溪風物美春來清可鑑鬢眉頻生楚客將
歸日花暖吳蠶始浴時臨水竹樓通市陌跨橋雲

屋接川湄盡舫載酒期君醉已是無謀助翦夷
靚粧艷服遊川上簫鼓聲中俗自歡寄語春風休
用惡恐教潭水起波瀾

早春遊南園

東國春歸早南園百卉宜萱芽開翠穎杏萼破煙
姿青鸞將鳴雉喬林未轉鸝石尤風莫起芳物畏
君吹

送簽判張秘丞赴秀州

江鶯歸時君亦歸鶯巢未暖君還去去去溪邊楊
柳多正值清明欲飛絮競折贈行何所益時當長
養傷嘉樹不如舉酒對青山酒罷移舟須薄暮嘉
禾主人余久知跡冗不擬強攀附儻或無忘問姓
名為言懶拙皆如故

送弟赴和州幕

夾河為郡不如古江北江南作冗官須記長傳一
經訓雖貧莫改飲瓢歡歷陽况與吾廬近春穀休
言問膳難此日停舟聊舉酌明當水驛自加餐

寄題徐都官新居假山

太湖萬穴古山骨共結峯嵐勢不孤苔徑三層平
木末河流一道接墻隅已知谷口多花藥祇欠林

問落猶聽誰侍中構此遊樂里中遺老肯相呼

送梵才吉上人歸天台

頃余遊鞏洛值子入天台當時羣卿士共羨出氛埃
在再踰一紀却向人間來問子何爲爾言興般
若臺雖將發愚闇般若安在哉此教久已熾增海
非一盃我言亦熾火豈使萬木灰蓋欲守中道焉
能力損栽子勿疑我言遂以爲嫌猜忽聞携乃錫杖
思向石橋迴城霞與琪樹璨璨助詩才嘉辭編人
口幸足息巖隈

公度以余嘗語洛中花品而此邦之人多不

敢言花於余今又風雨經時花期遂過作詩
以見貽故次其韻

去年三月來吳中欲擬看花無與從今年二月花
偏早發作無節雨與風前時晴明要尋賞謂夸洛
陽多不容我心豈是限南北美好未必須深紅姚
黃魏品若盡有春色定應天下空因君見贈又及
此莫怪還思澗水東

留題可及明心堂

秭雉已先嗥卉木萼漸歇俯檻弄條枚因心悟生
滅上人本高胄季父踐清列而能馱紛華樂彼方

外說

陪武平游雅上人房卞峯亭

晚愛池上清羣峯對蒼隙常恐雲氣生坐令蒼翠
隔復繞曲塘陰映實孤花拆誰知禪者居來伴使
君適

送張舍人自安吉移辛同安

遠辭湖上山徙治海邊邑機行吳俗饒魚蝦越人
給操琴在更張殊土宜順襲何以贈勤勤薄言茲
所及

劉彞秀才歸江南

鳳鳥不在篋麒麟寧受轄石思此二物中夜忽興
歎况值南風來襲蘭歸楚岸

送胡武平

來見江南督使君誅汀蘋再看蘋葉老汀畔送歸
人人歸多慕戀遺惠在茲民始時繞郊郭水不通
蹄輪公來作新塘直抵吳松垠新塘建與梁濟越
朕輒仁言度新塘去隨跡如魚鱗從今新塘樹便
與蔽芾均我雖備僚屬筆舌敢妄陳因行錄所美
願與國風振

迴陳郎中詩集

嘗觀陳伯玉感遇三十篇矯矯追古道粲爾日星
懸今公豈其後佳詠久已傳憶為童子日早誦
繡妍茲來預官屬而許玩竒編明珠三百琲一
徑寸圓他人握中有未獲毫髮焉家貧敢懷寶况
近驪龍淵又畏風雨作神物不得全再拜捧明月
長跪還席前

依韻和武平別後見寄

溪遠橋危一望遙此馬悽絕府中僚已同鴈鷺依
清淺共看鸞鳥皇上沈寥別岸無端紫細柳迴舟不
悉過新橋醉來事事能生感誰道愁腸酒易銷

新州廣濟劉主簿

相識雖非久相親似舊年論文君豈後尚齒我慙
先慣狎吳兒水將浮楚客船安知不離恨高柳正
鳴蟬

依韻和僧說夏日閑居見寄

城郭非清涼山僧抱微疾又況三伏時當茲一禪
室炎氣正燥燥溪水徒瑟瑟唯誅冰雪辭可以銷
夏日

依韻和李宰秋思

一葉與風舞已知天地情將令百菓實競振群蟲

聲陶令欲收林幽人思哲言能更吟君麗句誰為寫
鍾詩

送儲令赴韶州樂昌

嘗聞韶石下虞舜古祠深至樂久已寂况待陶令
琴炎方不道遠一去值秋霖

隱真亭烏程史尉署

作尉慕吾祖吾祖非得時誰似芙蓉國日見芙蓉
披涼雨隨風來清香入酒卮自得真隱趣不慙吳
市為

說上人遊廬山

夙懷高世趣固足林壑情欲遊名山徧遂為廬山
行又訪遠公蹟東林氣象清瀑布秋影落香爐曉
煙生洗滌萬古慮薰蒸千載名我今滯孤宦空羨
瓶錫輕

和元之述夢見寄

高秋枕席涼晝寢還清曠不嘲君腹便獨夢予爾
訪豈忘相規言仍記群小謗始知端正心寐語尚
不誑傲况何護人告子亦孟浪吾聞有尸蟲伺惡
多相尚耽睡受其惑子心恐成恙勉子守度曹奴
使茲物王竟交昧聰明寤後成清唱誦玩自省循

徒爾增悵悵不能檢細微遂使言屢貶雖然甚頑
鄙內顧無過當仲尼稱天厭季路猶行行何嘗
勤誠為子傾嘉釀

秋日卧疾恭上人來過不及見因以詩答

溪上秋霧多溪居曉寒入呼吸遂生病嘔泄不下
粒素知江南地大率皆卑濕久從吳土居氣候非
所襲伏枕欲經旬冠帶粘已澁女奚特扣關問疾
提山笠我非金粟身寄謝何暇揖屈性茲不能他
時冀來及

依韻和守賢上人晚秋書事

秋霧鬱鬱不開曦曦夾溪樹深枝尚宿禽寒葉時
露我居溪之陰早景誠所慕開豁吐初陽獨吟神
與晤豈意方袍人而懷此為趣忽枉瓊玖章無
惠休句

宛陵先生文集卷第九

宛陵先生文集目錄卷第十

湖州後詩

剡縣臧主簿

余令之會稽新昌

傅神悅躬上人

文曜師之南徐

芝上人歸姑蘇

唐寺丞知南雄

和孫朱二公見寄

謝尉西歸

陳浩赴福州幕

示沈生

和潘叔治遊何山

張法曹歸闕

送張叔展北歸

和叔治晚見梅花

僧院枕流軒

惱儂

相逢

橋烏

過華亭

月暈

逢謝師直

迴自青龍呈師直

青龍海上觀潮

社前

水次翳髀

葉大卿挽詞

寒食陪南園

牡丹

惜春三首

花娘歌

程山人歸飲

重過南園

送滕監簿歸寧

寄題千步院

早夏陪登臺望

得孫仲方畫美人

涂次寄羅道濟

和潘叔治六鶴圖

啄食

顧步

啖天

舞風

警露

理毛

留題潘氏假山

觀居寧畫草蟲

和穎上人南徐十詠

邵伯堰下

悼亡三首

淚

秋日舟中有感

書哀

目錄終

宛陵先生文集卷第十

臧子文刻縣主簿

刻縣無淺深歷歷能見底
潛鱗莫見窺
崖紋聊堪洗古木
潭上陰遺祠
巖下塔
應識道傍碑
因風莫醪醴

余今之會稽新昌

越舸將渡西陵時
臘雪欲作陰雲垂
古岸潮迴夜冰閣
冰上鯉魚紅尾鬣
知君奉親聊自得
窮冬涉險仍熙熙
縣民但可觀
此意休羨江邊孝女碑
傳神悅躬上人

握中一寸毫實匣百鍊金鑑貌不鑑道寫形寧寫
心古人固不識今人或所欽依然見其質儼爾恨
無音子誠丹青妙巧奪造化深妍媸必盡得幻妄
恐交侵

文曜師之南徐

班班上川羽薄暮未安巢擾擾方外士歲晏遊遠
郊正值風霜急晚冰隨處敲何時居巖下都把塵
事拋

茂芝上人歸姑蘇

身衣竺軋服手援犧氏琴繁聲不願奏古意一何

深晏景託孤艇港飛還舊林闔問城下寺幾里認
鍾音

唐寺丞知南雄州

前林尚含凍南國史君行逆水春風峭孤舟桂席
輕踏詞聞舊俗信鬼有頽珉當識朱衣貴臺將擁
道迎

依韻和孫秀才朱長官見寄二首同韻

古來富貴蹈危機樂性安貧莫謂非未及功名春
鬢改欲從踈懶五湖歸昔年同志逢時盡今日相
親似子稀犀僕忽辭雲海上遠持雙壁扣吾扉

謝尉西歸

曾為洛陽客喜見洛陽人每憶舊遊處相逢借問
頻當時伊水上醉弄品花春而今絕茲樂欲語已
酸辛明朝君當去又復與誰親唯應有素月相照
寒溪濱

陳浩赴福州幕

梅殘杏將坼楊柳都未堪欲贈無所贈春風吹酒
酣遠山猶帶雪野水已如藍羽檄不應有詩書自
可就

示沈生

稚子每多疾始與藥物親由茲沈生跡遂歷吾門
類我居無鳥鼠乃知屋室貧舉世竟趨利爾非閭
井人

和潘叔治早春遊何山

泛泛寒溪流縈紆向山去淺石長蒲茸朝煙暖崑
樹捨舟當禪扉踏蘚汚野屨誰愛鮑參軍登臨多
秀句

張法曹歸闕

海底日未上屋頭群雀喧晨興溪館迥坐聽櫓聲
煩出戶望行舸羨心如野猿暮春余亦去為見故

人言

送張叔展北歸

江南春候早水暖野芹生北客欲歸日故人持贈
行莫嫌爲物薄言采幽蘭并休惜臨流醉高帆去
棹輕

依韻和叔治晚春梅花

楚人住處將爲棧越使傳時合有詩常是臘前混
雪色却驚春早見瓊姿安笛吹遠曲還多怨風送清
香似可期我欲細看持在手誰能爲折向南枝

僧元復院枕流軒

寺外寒流駛開軒靜者樓淺深看藻行出沒愛鳧
鷺一悟此中趣萬緣皆可齊誰來驚節物岸木長
春莢

惱儂

期我以踏青花間儻相遇果然南陌頭翩若鷺鴻
度不語強躊躇羞人映芳樹兩心常自憐兩目空
相注依依不得親薄暮還愁去記取似丹葩知開
在何處

相逢

晚日南城歸橋邊見郎去遠遠逐郎迴羅衣汗微

污不惜污羅衣要與郎相顧留連芳苑中肯謝花
天罇傍欄忍晤言羞畏情誰諭草草各還家幽懷
是飛絮

檣烏

檣頭飛去烏夜啼聲碎猶不如水禽雙棲向煙
外煙外少分張渚間多麤習會休同八九子反哺人
誰愛

過華亭

晴雲噪鶴幾千隻隔水野梅三四株欲問陸機當
日宅而今何處不荒蕪

月章

月章已知風燈花先作喜明日挂帆歸春湖能幾

逢謝師直

昔歲南陽道中別今向華亭水上逢把酒語君悲
且喜流光冉冉去無蹤

迴自青龍呈謝師直

共君相別三四年巖巖瘦骨還依然唯聽此舊多
且黑學術久已不可肩嗟余老大無所用白髮丹
丹將侵顛文章自是與時背妻兒啼無一錢幸

得詩書鋪白日豈顧富貴摩青天而今飲酒亦復
少未及再酌腸如煎前夕與君歡且飲飲纔數盞
我已眠雞鳴犬吠似聒耳舉頭屋室皆左旋起來
整巾不稱意挂帆直走滄海邊便欲騎鯨去萬里
列缺不借霹靂鞭氣沮心衰計欲睡夢想先到蘋
渚前與君無復更留醉醉死誰能如謫仙

青龍海上觀潮

百川倒蹙水欲立不久却迴如鼻吸老魚無守隨
上下閣向滄洲空怒泣推鱗伐肉走千艘骨節專
車無大及幾年養此膏血軀一旦翻爲漁者給無
情之水誰可憑將作尋常自輕人何時更看弄潮
兒頭戴火盆來就濕

杜前

欲杜先知雨將歸未見花那能長作客夜夜夢還
家

水次謁驪

不知誰氏子枯首在沙洲肉化鳥爲腹肢殘波浪
頭曾聞南面樂寧有九原愁厚葬不爲貴漢官其
登立

位列名卿重年躋賜几尊誠孫宜有後定國已高
門舊族聲華遠名藩治行存秋風蕭吹咽隴隧啓
雲根

自古賢才少滔滔豈足云善人安得見清譽久來
聞器隕龍文鼎克歸馬鬣墳豐碑幾當立籍甚著
遺芬

終始爲全德生榮沒亦榮里人悲畫婁郡吏拜銘
旌石馬天麟肖松枝國棟成更看追孝意捧土作
新塋

湖州寒食陪太守南園宴

寒食二月三月交紅桃破類柳染梢陰晴不定野
雲密默默鼓聲湖岸坳使君千騎出南圃歌吹前
道後鳴銑是時輒預車馬末傾市竟觀民業拋竹
亭臨水美可愛嗑啞草木皆吐苞遊人春服靚粧
出笑踏俚歌相與嘲使君白髮體无健自晨及暮
奏酒肴爾輩少年翻易倦倚席欠伸誰得教公雖
不責以正禮我意未容誠斗筭逡巡秉燭各分教
小人爭路何叟叟

牡丹

洛陽牡丹名品多自謂天下無能過及來江南花

亦好絳紫淺紅如舞娥竹陰水照增顏色春服貼
安裁輕羅時結游朋去尋玩香吹酒面生紅波粉
英不忿付狂蝶白髮強插成悲歌明年更開余已
去風雨摧殘可奈何

惜春三首

九十日春無幾日不堪風雨竟吹花舞英逐水向
何處泛泛斜溪伴晚霞

前日看花心未足狂風暴雨忽無憑此身不及深
溪水隨得殘紅出武陵

春色斗空花亦休綠園深鎖更誰遊殘枝遺萼未

中看暮雨霏霏起暗愁

花娘歌

花娘十二能歌舞籍甚聲名居樂府荏苒其間十
四年朝作行雲暮行雨格夫氣俊能動人人能動
之無幾許前歲適從江國來時因燕席相微語雖
有幽情未得傳暗結殷勤度寒暑去春送客出東
城舟中接膝已心傾自茲稍稍有期約五月連航
並釣行曲堤別浦無人處始笑鴛鴦浪得名爾後
頻逢殊嬾婉各恨從來相見晚月下花前不暫離
暫離已抵銀河遠青鳥傳音日幾迴雞鳴歸去暮

還來經秋度臘無纖失愛極情專易得猜前時南
園尋芳卉小恣不勝投袂起官私乘釁作威稜督
促倉惶去閭里蕭蕭風雨滿長溪一舸翩然逐流
水忽逢小史向城來泣淚寄言心欲死願郎日日
致青雲妾已長甘在泥滓更悲恩意不得終世事
誰憑何若此郎聞茲語痛莫深天地無窮恨無已
我今爲爾偶成章便欲緘之託雙鯉

程山人歸歙州

新安固與吾鄉鄰山水清絕殊可擬我今暫來子
亦歸空聽杜鵑雲樹裏

重過南園

誰作此園爲宴喜而今樂事已難并佳人去後門
長鎖蔓草離離上古城

送滕監簿歸寧岳陽

乃翁守西鄙胡騎敢憑凌撫士無餘貨吏以文結
繩向聞來三堂今復走巴陵泝流幾千里雲夢苦
炎蒸風檣易陣馬猶使勇氣增子今遠寄省寄謝
余豈能江山可留詠燕許昔嘗曾

寄題千步院兼示譚上人

郊郭山林有美處皆爲釋子所棲託高閑不與時

俗侵寂靜豈唯魚鳥樂朝望平田插稻苗暮看西
村收雨脚

早夏陪知府學士登疊嶂樓

高陵自可眺况復更層樓我我衆山翠活活寒溪
流新篁未掃籜綠險已脩脩曲道出林抄飛宇跨
城頭春餘衆芳歇子結纍蔓抽庭空野鼠竄日暝
帶禽留誰知郡府趣適有林壑幽主人易吾土惟
襲是瀛洲伊我去問井爾來三十秋昔望白雲下
今從輕軒游

得孫仲方畫美人一軸

駿駒少馴良美女少賢德常聞敗君駕亦以傾人
國因觀壁間畫筆妙仍奇色持歸非奪好來者恐
爲惑

涂次寄羅道濟

去年五月君到官紅蕖正開湖水寬共酌汀洲不
知暮扣舫月露霑衣寒今年我罷欲歸去朋酒久
來無此歡移舟不忍便爲別竟挈盃有情未闌城
闈欲閉各分散溪雲暗澹生悲端明日抱醒風雨
急野蓮空看寄君難

和潘叔治題劉道士房畫薛稷六鶴圖

啄食

窮年見俛啄但有飢之意雖存玉山未不入丹青
冢因思方朔嘲此豈優諧類

顧步

舉足徒有勢行沙遂無蹤迴頭誠已久未知竟何
從安能見儔侶顧望自顛顛

啖天

引吭向層霄聲聞期在耳鼓吻意豈疎知音何已
莫安得九臯同流響入萬里

舞風

如逢仙圃風飄飄奮雙翅拊節余欲助和歌誰爾
類但看矯然姿固於流雪異

警露

孤標近仙壇依約聞墜露儼如舉止揚稍見神爽
悟晚月坐清軒寒添壁間素

理毛

六鶴皆不同初生薛公筆况茲刷羽者奮迅如天
質墨客懷賞心題詩仍我率

留題毗陵潘氏宅假山

人心本好靜世事方擾擾丘壑未去時庭中結山

小長欲見蒼翠何須聽猿鳥有志同尚平當期
嫁了

觀居寧畫草蟲

古人畫虎鶻尚類狗與鶩今看畫羽蟲形意兩俱
足行者勢若去飛者翻若逐拒者如舉臂鳴者如
動腹躍者趨其股顧者注其目乃知造物靈未抵
毫端速毗陵多畫工圖寫空盈輻寧公實神授坐
使群輩伏草根有織意醉墨得已熟權豪不可致
節行今仍獨

和穎上人南徐十詠

鐵甕城

灑江以為池增山以為壁鐵甕喻其堅金城非所
敵前朝經喪亂曾是輕鋒鏑覽古一徜徉空聽漁
浦笛

北顧山

山勢自北來高城倚為固當時偶登臨酒者遂
誤微雲思作雨古樹嘗霑露今非恃險擊草丈
狐兔

京口水

江頭潮正平日照土山口坐見遠來舟高帆急

後將隨入浦風稍度遙圻柳客無南北虞
平又

金山寺

山與衆山殊寺非諸寺擬無面不當江有林皆照
水南冷隔吳會北渡通楊子還看上下帆日日何
常已

望海樓

嘗聞觀蹄泚詎識海水大浩浩與天同滔滔衆流
會平吞江作練遠瀉河如帶終日郡樓閒欲取長
鯨鱠

季子廟

信如季子賢自昔知能幾依約有荒祠寂寥無負
籠壞梁生濕菌古木憑山鬼英靈豈顧茲青史辭
廩豐

鶴林寺

松竹暗山門颼颼給青吹傳聞宋高祖舊宅爲茲
寺地以黑龍升經因白馬至何必問興亡山川應
可記

夫子篆

季札墓傍碑古稱尼父篆始泐春秋義十字固莫

淺磨敲任牧童侵剝因野蕪嗟爾後之人萬言書
不顯

甘露寺

山頭百畝宮庭下千年樹在昔甘露霏嘗疑神物
護陰連殿閣寒聲撼雷霆怒瞻影衛公堂英鬼想
來去

范公橋

謂公天下才非專一方惠及此作輿梁力行無鉅
細既異國喬為將同傳嵩濟礮石亘長川寧須伐
山桂

邵伯堰下王君玉餞王仲儀赴渭州經略

席上命賦

未破河西寇朝廷尚有憂淮南命儒帥塞上足封
侯莫探黃金甲須存百勝謀昔嘗經虜人去正
防秋

悼亡三首

結髮為夫婦于今十七年相看猶不足何況是長
捐我鬢已多白此身寧久全終當與同穴未死淚
漣漣

每出身如夢逢人強意多歸來仍寂寞欲語向誰

何窓冷孤螢入宵長一鴈過世間無最苦精爽此
銷磨

從來有脩短豈敢問蒼天見盡人間婦無如姜且
賢譬言本愚者壽何不假其年忍此連城寶沉埋向
九泉

淚

平生眼中血日夜自涓涓瀉出愁腸苦深於浸沸
泉紅顏將洗盡白髮亦根連此恨古皆有不須愚
與賢

秋日舟中有感

天乎余困甚失偶淚滂沱世事隨時遠秋風順水
多鯢魚空戀穴獨鳥未離柯歲月都無幾存亡可
奈何兒嬌從自哭婢駭不能呵已覺愁容改休將
舊鏡磨弊衣留暗垢殘心不恨沉疴斗獸驅驅役終
期老薛蘿

書哀

天既喪我妻又復喪我子兩眼雖未枯片心將欲
死雨落入地中珠沉入海底赴海可見珠掘地可
見水唯人歸泉下萬古知幾矣拊膺當問誰憔悴
鑑中鬼

宛陵先生文集卷第十

宛陵先生文集卷第十
一
二
三
四
五
六
七
八
九
十
十一
十二
十三
十四
十五
十六
十七
十八
十九
二十
二十一
二十二
二十三
二十四
二十五
二十六
二十七
二十八
二十九
三十
三十一
三十二
三十三
三十四
三十五
三十六
三十七
三十八
三十九
四十
四十一
四十二
四十三
四十四
四十五
四十六
四十七
四十八
四十九
五十
五十一
五十二
五十三
五十四
五十五
五十六
五十七
五十八
五十九
六十
六十一
六十二
六十三
六十四
六十五
六十六
六十七
六十八
六十九
七十
七十一
七十二
七十三
七十四
七十五
七十六
七十七
七十八
七十九
八十
八十一
八十二
八十三
八十四
八十五
八十六
八十七
八十八
八十九
九十
九十一
九十二
九十三
九十四
九十五
九十六
九十七
九十八
九十九
一百

